

nochkomenden rethen daz fugsam ist, und daz sulle wir yn zcu wissen thun eyn virtail jars vor dem czinstage. So sal er dy selbigen virczen guldin uns wider zcu kouffen gebin umb hundert und czweyundachzig gute reynische guldin, dy wir ym bezaln sullen in der stat zcu Czwickau mit guten reynischen golde, vollkommen an dem gewichte rechter lantwere, als dy denne genge und gebe seyn in unser herren lande, und wenne wir danne sy bezalt habin mit sampt dem czinse, der sich uff dy selbige tagezeit gebüret und mügelichis schaden, ab der daruff gegangen were, benemen, so sullen sy denne uns unsern briff wider gebin. Auch ob sich wort oder insigel an disem briff in keyner hande weise vorruckte oder gebreche, wy daz geschee, daz sal dem vorgeanten Johanni und den seynen an irem czinse und hauptgute keynen schaden brengen. Were auch ab diser briff vorlorn oder vorwarlost worde, von welcher hande not daz queme, so geloben wir, in eynen sülchen briff wider zcu gebin, da yn wol an genüget und daz habe wir zcu gedechtnüsse gesaczt in unser statbuch zcu eynem offenbaren bekentnüsse, daz wir obgenanten rethe und dy ganczin gemeyn \ der stat Czwickaw bey unsern guten truwen genczlich halden sollen und wöllen, alle gelubde disses briffs an arge list und hindernüsse habe wir disen briff vorvestiget mit unser stat grossem ingesigel, daz wir mit gutem unserm wissen und willen gegangen habin an disen offen briff, der da gegeben ist nach Christi geburt virczenhundert jare darnach in dem zweinundreissigsten iare am^{b)}

a) über die Zeile geschrieben b) Datierung bricht hier ab

637.

1432 Mai 1

Der Rat zu Zwickau verkauft an Niclaus Vogt, Inhaber des St. Thomasaltars in der Marienkirche zu Zwickau, einen Zins der nach seinem Tode für ein Seelgerät verwendet werden sollen.¹⁾

fol. 107v-108r Treütwein. Herrn Niclas Voit von der Lunckwicz. Wir ratismanne der stat zcu Czwickaw Nicolaus Treütwein, bürgermeister, Jost Paysenkese, Niclas Gürtler, Jacoff Schuster, Niclas Czencker, Heincz Schelle, Hans Czochwicz, Johannes Losan, Claus von der Hart, Niclas vom Mere, Hans von Stechaw und Hans Boticher, alle gesworne der stat Czwickaw, bekennen und thun kunt in disem offen briff vor uns und vor alle unser nochkomenden^{a)} rethe allin lüten, dy in sehin hören oder lesen, daz wir mit gutem vorrathe unser eldisten und clugsten und mit willen und wissen aller unser hantwergmeister und der ganczen gemeyn, arm und reich, unser egenanten stat Czwickaw eyntrechtighen und redlichen vorkoufft habin und mit urkunde dicz briffs vorkouffen dem ersamen prister herrn Niclas Voit, iczunt vorweser und altaristen dez altars^{b)} sancte Thome, dez heiligen czwelffpoten, in Unser Liben Frawenkirchen der egenanten stat Czwickaw und noch synem tode eynem iczlichen vorweser, dem dann der egenante